



Angalanissaq ineqarnerlu pillugit paasissutissat pingaarutillit

Pikorissaanermut /ilinniartitaanermut atatillugu sinerissaminngaanneeruit inissiami akunnittarfimmiluunniit inissinneqassaatit.

Inissiami inissinneqarnermi inissiaq pikkorissartunit arlaliunneqarsinnaavoq. Tassani igaffik uffarfillu ataatsimoorunneqassapput.

Inissiami tunniunneqartumi ilaqutariittut **inissinneqarsinnaanngilasi**. Ilaquttat ineqatiginissaannut periarfissiisumik allannguinnissaq imal. allami inissinnissaq kissaatigigukku, tamanna **nammineq pilersaarusiortugulu akilissavat** akunnittarfimmullu imal. inissiamik attartortitsisumut toqqaanartumik nammineq isumaqatigiissuteqarfigalugu.

Angalaneq ineqarnerlu

Angalanerit ineqarnerillu **Peqqissaanermik Ilinniarfimmitt (PI)** aaqquissuunneqarlunilu akilerneqarpat, inniminniinermit allannguinerit – tamatumunngalu atatillugu akunnittarfimmitt inissiamulluunniit allamut nuunnissaq – **akuerineqanngilaq**. Allannguisoqassappat nammineq akilerneqassaaq.

Nunatsinni suminngaanneerup silallu qanoq innera apeqquataatillugit, angallammik (timmisartoq imal. umiarsuaq), **akitigut ingerlatsinikkullu isumannaannerpaatut** naliliivigineqartumik toqqanissamut, PI imminut pisinnaatippoq.

Akisussaaffik pissusilersornerlu

Maaniinninni pigisatit ajoqusikkat imal. annaasat nammineq akisussaaffigaatit. Ass. matuersaatinut tammaasanut imal. inigisami ajoqusikkanut atatillugu aningaasartuutit illit nammineq akilissavatit.

Ilinniartutut imal. pikkorissartutut **imigassaq tipigissaatinillu atuinnginnissaq pillugit ilinniarfiup politikkiinik** eqquutsinnissat naatsorsuutigineqarpoq.

Maaniinninni ilinniarfimmitt sulisitsunnullu sinniisutut inissisimassaattit. Ilinniarfiup politikkiinik unioqqutitsineq imal. allatut akuerineqarsinnaanngitsumik pissusilersorneq **pikkorissarnermit imal. ilinniartitaanermit peersitaanermik** nassataqarsinnaavoq. Peersitaanermitt atatillugu aningaasartuutaajumaartussat- ilaatigut ineqarneq angerlamullu angalanissaq- nammineq akiligassaassapput.

Inigisamiit utimullu angalaneq

Najukkanni inigisanniit mittarfimmitt angalaneq maangalu tikikkuit mittarfimiit akunnittarfimmitt imal. inissiamut angalaneq- allaganngorlugu allamik isumaqatigiissuteqartoqanngippat- **nammineq pilersaarusiortuqarlunilu akilerneqassaaq**.